

Útflutningur vegna móttöku umframmjólkur á verðlagsárinu 2020

Framleidd mjólk umfram greiðslumark hvers árs skal, samkvæmt 29. og 52. grein Búvörulaga nr. 99/1993, fara á erlendan markað á ábyrgð hvers framleiðanda og viðkomandi afurðastöðvar, en Framkvæmdanefnd búvöru-samninga getur heimilað sölu þessara vara innanlands ef heildarframleiðsla verður minni en sala og birgðastaða gefa tilefni til.

Samkvæmt uppgjöri frá Atvinnuvega- og nýsköpunarráðuneytinu 29. mars 2021 var skráð nýting á greiðslumarki og móttækin umframmjólk árið 2020 samtals 151.787.955 lítrar, en greiðslumark ársins var 145.000.000 lítrar. Aðildarfélag SAM tóku á móti 151.180.148 lítrum, þar af allri mjólk sem framleidd var umfram greiðslumark samtals 6.196.908 lítrum. Við athugun á nýtingu greiðslumarks var tekið tillit til þess að notkun í „heimavinnslu“ var skráð 16.760 lítrar og að Atvinnuvega- og nýsköpunarráðuneytið veitti undanþágu frá framleiðsluskyldu vegna 591.047 lítra af heildargreiðslumarki ársins 2020.

Aðildarfélag SAM fluttu út samtals 2.557 tonn af mjólkurafurðum árið 2020. Sundurliðun útflutnings og umreikningur í mjólk á grunni fitu- og próteininnihalds er í eftirfarandi töflu:

Útflutningur aðildarféлага SAM árið 2020

Vöruflokkur	Kíló	Umreiknað í lítra mjólkur miðað við	
		fitu (lítrar)	prótein (lítrar)
Skyr	815.319	176.692	2.596.363
Sýrðar vörur	26.467	5.291	58.916
Smjör	236.880	5.038.911	361.716
Ostar	698.357	139.349	10.073.534
Undanrennuft	780.000	120.120	9.562.800
Samtals:	2.557.023	5.480.364	22.653.329

Umreiknað á lítra miðað við próteingrunn var útflutningur mjólkurafurða á vegum aðildarféлага SAM árið 2020 um 16 milljónum lítra meiri en umframmjólk. Lagaskyldu um útflutning umframmjólkur er því fullnægt hvað varðar próteinhluta umframmjólkur.

Við lok verðlagsársins 2019 átti eftir að flytja út eftirstöðvar af fituhluta umframmjólkur ársins 2019, sem samsvöruðu 8.620.174 lítrum. Útflutningur á fitugrunni árið 2020 nam 5.480.364 lítrum og í árslok 2020 átti þess vegna eftir að flytja út sem nam 3.139.810 lítrum á fitugrunni, vegna umframmjólkur árið 2019.

Í árslok 2020 voru einnig í birgðum vörur sem framleiddar voru úr umframmjólk árið 2020, sem svöruðu til 6.196.908 lítra af mjólk á fitugrunni.

Í árslok 2020 áttu aðildarfélag SAM því eftir að flytja út mjólkurvörur sem samsvara 9.336.718 lítrum á fitugrunni; eða um 439 tonnum af smjöri.